

## Фаттоҳ Абдуллаев



Етук олим, филология фанлари доктори, проф. Фаттоҳ Абдуллаев 1914 йилда Наманганда туғилди. Унинг ёшлик даври Қozoғистоннинг Авлиёта (ҳозирги Жамбул) шаҳрида ўтди. Бошланғич маълумотни ҳам шу ерда олди. Фаттоҳ Абдуллаев 1922 йилдан 1925 йилгача эски мактабларда ўқиди, 1925 йилдан совет мактабида таълим ола бошлади. 1930 йилда бошланғич мактабни тугатиб, Каттакўргон шаҳридаги А. Икромов номли педагогика техникумига ўқишга кирди. Техникумни 1933 йилда муваффақиятли тамомлаган Ф. Абдуллаев 1934—39 йилларда Ленинград Давлат университетининг филология факультетида ўқиди, уни муваффақиятли тамомлаб, Тошкентга қайтди ва 1944 йилнинг ноябригача Низомий номидаги Тошкент Давлат педагогика институтининг ўзбек тилшунослиги кафедрасида ишлади. 1944—47 йилларда Намангандаги ўқитувчилар институтида дарс берди, ўзбек тили ва адабиёти кафедрасини бошқарди; 1947 йилнинг июлидан 1950 йилнинг июнь ойигача Ўзбекистон ССР Фанлар академиясининг А. С. Пушкин номли Тил ва адабиёт институтида катта илмий ходим ва сектор мудири вазифаларида хизмат қилди. Ф. Абдуллаев 1944 йилда Низомий номидаги Тошкент Давлат педагогика институтининг аспирантурасини тугатиб, 1946 йилда проф. А. К. Боровков раҳбарлигида «Ўзбек тилида арабизм» деган мавзуда кандидатлик диссертацияси ҳимоя қилди. Олим 1951 йилнинг феврилида Хоразмга келади. Бу ерда педагогика институтининг ўзбек тилшунослиги кафедрасини бошқариб, ўзбек тили бўйича лекциялар ўқийди; 1956 йилнинг августида яна Тошкентга келиб, 1957 йилгача Тошкент Давлат педагогика институтида катта ўқитувчи лавозимида ишлайди; 1957 йилнинг сентябридан ЎзССР Фанлар академиясининг Тил ва адабиёт институтида катта илмий ходим, 1965—70 йилларда ҳозирги ўзбек адабий тили секторининг бошлиғи вазифаларида ишлаб келди. Ҳозир шу институт тил тарихи секторининг мудири лавозимида хизмат қилмоқда. У Хоразмдалигида халқ шевалари вакилларида кўплаб фактлар тўплади, уларни ўтқир диалектолог, синчков тадқиқотчи кўзи билан текшириб, қатор илмий-лингвистик хулосалар чиқарди, илмий жиҳатдан анча ибратли мақолалар, монографиялар яратди.



Унинг «Ўзбек тили Хоразм шеваларининг тарихига доир», «Урганч шевасининг баъзи бир фонетик хусусиятлари», «Хоразм шеваларининг таснифи масаласи», «Хоразм шевалари», «Хоразм шевалари фонетикаси» каби қатор мақола ва монографиялари ўша даврларда халқ оғзидан ёзиб олинган бой фактик материаллар асосида вужудга келган. Талантли олим кўп йиллик ишларининг якуни сифатида «Хоразм шевалари» номли катта монография яратди, 1961 йилда «Хоразм шевалари фонетикаси» мавзусида докторлик диссертациясини ҳам ҳимоя қилди. Докторлик диссертациясига асос бўлган «Хоразм шевалари» (I) номли китобида муаллиф бу шевалардаги сўзларнинг луғати ҳамда Хоразм шеваларининг мукамал таснифини беради. Ишнинг луғат боби ўзбек диалектологиясида луғат тузиш ишида илк бор тажриба бўлиб, Хоразм шеваларининг айрим лексик хусусиятларини акс эттириш вазифасини ўтайди. Ф. Абдуллаев «Об одном фонетическом соответствии в истории узбекского языка» (1958), «К вопросу об окончье в узбекском языке» (1957), «Киши номларини қисқартиш усуллари» (1960), «Ўзбек тилида кўш ундошлар» (1960) каби асарларида ўзбек тили фонетикасида мунозарали бўлган масалаларни ҳал этишга уринганини кўрамиз. Талантли олим дурустгина адабиётшунос ва таржимон ҳамдир: у «Умар Ҳайём — улуғ шоир ва файласуф», «Туркман шоири Камина», «Адабиёт санъат сифатида» каби илмий ишлар яратган. Б. Кербобоевнинг «Дадил қадам» (1952), «Небит доғ» (1962) романларини, М. Казакевичнинг «Одерда баҳор» (1950), Джек Лондоннинг «Ҳикоялари»ни (1956) ва бошқаларни ўзбек тилига таржима қилган. Ф. Абдуллаев ўз илмий-педагогик фаолияти давомида 80 босма табоққа яқин илмий асар ёзган тадқиқотчи.

- 1940** Умар Ҳайём улуғ шоир ва файласуф. «Гулистон» журнали, 3-сон, Тошкент.  
Туркман шоири Камина. «Гулистон» журнали, 7-сон, Тошкент.
- 1941** Адабиёт санъат сифатида. Тошкент.
- 1949** Ўзбек тил билими. Тил ва адабиёт институтининг асарлари, Тошкент.  
Ўзбек тили лексикасининг баъзи масалалари (юқоридаги тўплам).
- 1957** Ургенч шевасининг баъзи бир фонетик хусусиятлари. «Ўзбек диалектологиясидан материаллар», 1-сон, Тошкент.  
К вопросу об оконье в узбекском языке. «Ўзбек диалектологиясидан материаллар», 1-сон, Тошкент.
- 1958** Об одном фонетическом соответствии в истории узбекского языка. Известия АН УзССР, № 3.  
Хоразм шевалари тарихига доир. «Ўзбек тили ва адабиёти масалалари» журнали, 4 - сон, Тошкент.
- 1959** Ўзбек тилида чўзиқ унлиларнинг табиати ҳақида. «Ўзбек тили ва адабиёти масалалари» журнали, 3-сон, Тошкент.  
Эски ўзбек тили. Дарслик (ҳамкор), Тошкент.  
Ўзбек ёзуви тарихидан материаллар, Тошкент.
- 1960** Киши номларини қисқартиш усуллари. «Ўзбек тили ва адабиёти масалалари» журнали, 3-сон, Тошкент.  
Ўзбек тилида қўш ундошлар. «Ўзбек тили ва адабиёти масалалари» журнали, 5-сон, Тошкент.  
-чи аффиксининг генезиси ҳақида. «Ўзбек тили ва адабиёти масалалари» журнали, 6- сон, Тошкент.
- 1961** Туркий тилларда келишик аффиксларининг генезиси ҳақида. «Ўзбек тили ва адабиёти масалалари» журнали, 5-сон, Тошкент.  
О генезисе джеканы в тюркских языках. Журнал «Общественные. науки в Узбекистане», Ташкент.  
Келишик аффиксларининг генезиси ҳақида. «Ўзбек тили ва адабиёти масалалари» журнали, 6 - сон, Тошкент, Хоразм шевалари, I китоб, Тошкент.  
Хоразм шеваларининг таснифи масаласи. «Ўзбек диалектологиясидан материаллар», тўплам, II, Тошкент.  
Турк тилларида Ч товушининг урчиши масаласи, «Ўзбек тили ва адабиёти масалалари» журнали, 2-сон, Тошкент.

1964

Об интенсивной форме прилагательных в тюркских языках, Научные труды ТашГУ, вып. 260, Языкознание, Ташкент.

1965

Ҳозирги замон ўзбек адабий тили ва унинг ривожланиш йўллари ҳақида. «Ўзбек тили ва адабиёти» журнали, 3-сон, Тошкент.

1966

Диалектал луғат тузиш принциплари ҳақида. «Ўзбек тили ва адабиёти» журнали, 2-сон, Тошкент.

Алишер Навоий асарлари тилида унли товушлар уйғунлиги масаласига доир. «Ўзбек тили ва адабиёти» журнали, 5-сон, Тошкент.

Фонетика хорезмских говоров. Ташкент. Хоразм шевалари лексикаси. «Ўзбек шевалари лексикаси», тўплам, Тошкент.